



КАФИСТ

Ангелу Хранителю



## Тропарь и кондак Ангелу Хранителю.

### Тропарь, глас 6:

А́нгеле Бо́жий,/ храни́телю мой святы́й,/ живо́т мой соблюди́ во стра́се Христа́ Бо́га,/ ум мой утверди́ во и́стиннем пу́ти,/ и к любви́ го́рней уязви́ ду́шу мою́/ да тобо́ю направля́емь// получи́ от Христа́ Бо́га ве́лию ми́лость.

### Кондак, глас 4:

Яви́ся мне милосе́рд,/ святы́й А́нгеле Госпо́день, храни́телю мой,/ и не отлуча́йся мене́ скве́рнаго,/ но просвети́ мя све́том неприкоснове́нным// и сотвори́ мя досто́йна Ца́рствия Небе́снаго.





# Акафист Ангелу Хранителю.

## Икос 1.

Избранный от Господа Бога на хранение души моея и телесэ, святый Ангеле, похвальная ти воспéти дерзáю, недостóйный раб твой; ты же, я́ко имéяй дерзновéние к Царю Небéсному, от всяких бед и скорбéй, от враг вíдимых же и невíдимых защитí, зовúща:

**Рáдуйся, Ангеле Господень, неусыпаемый хранителю мой.**

## Кондак 1.

Ангеле святый, посланный с небесэ, во éже хранити мя и руководити во всей жízни моéй, припада́я молю́ ти ся: сам наста́ви и вразуми́ мя, начинаю́ща от сердéчных любвэ и усéрдия возглаша́ти пéсенныя ти хвалы́:

Рáдуйся, Ангеле Бóжий, предста́телю мой у Пресвя́тыя Трóицы; рáдуйся, Царя́ ца́рствующих безплóт-ный во́ине.

Рáдуйся, Господа господствующих небéсный слугó; рáдуйся, умных и невещéственных слуг Егó сожителю.





Ра́дуйся, творя́й прісно во́лю Влады́ки свое́го;  
ра́дуйся, прие́мый от Бо́га повеле́ние и власть хра-  
ни́ти ду́шу мою́.

Ра́дуйся, нико́гдаже отлуча́йся мене́ грешна́го;  
ра́дуйся, вы́ну спребыва́й ми недосто́йному.

Ра́дуйся, соблюда́й мя на всех путёх мои́х; ра́дуй-  
ся, сохра́няй мя от вся́каго зла.

Ра́дуйся, от Бо́га да́нный ми руководи́телю на путёх  
жити́я моего́; ра́дуйся, бла́гий наста́вниче мой.

**Ра́дуйся, А́нгеле Господень, неусыпа́емый храни́те-  
лю мой.**

## Икос 2.

Ви́дев Человеколю́бивый Господь, я́ко, по прегре-  
ше́нии пра́отца на́шего Ада́ма, вси челове́цы удо́бь пре-  
кло́нни суть ко греху́, по неизрече́нной ми́лости Своёй,  
посла́л есть во всю зе́млю святы́х А́нгелов, и коему́ждо  
от челове́к приста́ви храни́теля. Исполня́юще у́бо по-  
веле́ние Влады́ки свое́го, святы́и А́нгели всегда́ гото́ви  
суть помога́ти нам, богоу́годно пою́щим: **Аллилу́ия.**

## Кондак 2.

Ра́зуму моему́ просвеще́ние свы́ше исходата́йствуй,  
святы́й А́нгеле, да возмо́гу познáти, что есть во́ля  
Бо́жия, бла́гая и совершенна́я, и се́рдце моё напра́ви,  
е́же со усерди́ем твори́ти ю; тебе́ же, храни́теля моего́,  
да не престáну восхваля́ти сицевы́ми гласы́:

Ра́дуйся, воспламеня́й се́рдце моё любóвию к Бо́гу,





Создáтелю моему; рáдуйся, возбуждáяй мя на всяк день же и час приносíти Ему́ молíтвы, прошéния и благодарéния.

Рáдуйся, стра́жем вёрным, стра́хом Господним душéвный мой дом ограждáяй; рáдуйся, вся помышлéния моя́ к распятому за грехи́ мíра Спасíтелю устремлáяй.

Рáдуйся, страдáния Его́ и крестную смёрть в пáмять мою́ вперáяй; рáдуйся, воспоминáнием страстéй Господних блюстíся от грехов́ мя поучáяй.

Рáдуйся, благодáтного свѣше осенéния Свята́го Духа просíти мя наставляáяй; рáдуйся, я́ко на крótкия то́чию и смиренныя сёрдцем мíлостивне призира́ти Ему́, Утёшителю, уверáяй мя.

Рáдуйся, мы́слию о вездесу́щии Божии всю́ду окружа́яй мя; рáдуйся, всевѣдение Его́ умным очесём мо́им представля́яй.

Рáдуйся, милосёрдием Его́ к ка́ющимся грéшником сёрдце моё́ утешáяй; рáдуйся, правосудием Его́ к ожесточённому́ и нераска́янному́ ду́шу мою́ устрашáяй.

**Рáдуйся, А́нгеле Господень, неусыпа́емый хранíteлю мой.**

### **Икос 3.**

Сíлу Божественныя благодáти испросí ми, хранíteлю мой А́нгеле, во ё́же неуклóнно и непреткновéнно ходíти ми спасíteльным путём Христóвых за́поведей,





сёрдцем же и усты́ непреста́нно сла́вити всесвятóе íмя  
Бо́га на́шего и пёти Емú; **Аллилу́ия.**

### **Кондак 3.**

И́мам тя, богоизбра́нный покрови́телю мой, я́коже  
свётлую зарю́, просвеща́ющую души́ моея́ темноту́ и  
разгоня́ющую мрак серде́чнаго неведения́ моего́; сегó  
ра́ди, со умилéнием припада́я, молю́ ти ся, да и вся моя  
чу́вствия, потемнённая страстьми́, очисти́тся, во ёже не  
блужда́ти ми во тьме грехóвней. Пречу́дную же свёт-  
лость твою́ воспева́ю си́це:

Ра́дуйся, звездó Невече́рняго Свёта, от Триси́янна-  
го Божества́ возсия́вшая и менé вьну озаря́ющая;  
ра́дуйся, пресвётлый луч, помрачённая грехми́ сер-  
де́чная ми очеса́ осиява́ющий.

Ра́дуйся, я́ко тщи́шися напра́вити мя на путь и́стин-  
ный, во тьме беззако́ний блужда́ющего; ра́дуйся,  
я́ко предлага́еши ми за́поведи Господня́, а́ки зер-  
ца́ло для всея́ жи́зни моея́.

Ра́дуйся, я́ко поставля́еши ми зако́н Бо́жий, а́ки све-  
ти́льник нога́ма мойма и свет стезя́м моим; ра́дуйся,  
я́ко словéс Ева́нгелия Христо́ва сла́дость послуша́-  
ти поуча́еши мя.

Ра́дуйся, я́ко учéнию Божэ́ственнаго Учи́теля мое-  
го́ и Го́спода несомнённо véровати побежда́еши мя;  
ра́дуйся, я́ко в повиновéнии уста́вом святы́я Цёркве  
укрепля́еши мя.

Ра́дуйся, я́ко пра́вилом и преда́нием святы́х апо́стол





и отец покарятися наставляеши мя; радуйся, яко во исповедании святыя и православныя веры утверждаеши мя.

Радуйся, яко за сие исповедание и на смерть готову ми быти убеждаеши; радуйся, яко еретиком и отступником истинныя Церкви сообщатися возбранаеши ми.

**Радуйся, Ангеле Господень, неусыпаемый хранителю мой.**

#### **Икос 4.**

Буря моря житейскаго сокрушает духовный корабль мой волнами мирских попечений, и мир убогия души моея мятется, и где обрящу тихое пристанище спасения? Токмо на тя по Бозе возлагаю надежду, хранителю мой Ангеле, яко премудраго ты кормчаго в мысленных бурях, смущающих мя, стяжах; благодарственне убо пою Богу моему: **Аллилуия.**

#### **Кондак 4.**

Слышаще и зряще тя, Божественный Ангеле, крепкаго моего блюстителя, злобнии дуси поднебеснии не смеют приблизитися ко твоей пречистой светлости и душегубительныя ми пакости деяти. Сего ради смиренно молю тя, не отступи от мене за невоздержание мое, но присно от лукаваго тех ловления и козней соблюдай мя, со умилением глаголюща:

Радуйся, крепким кровом крил твоих осеняяй мя и





покрывáяй; рáдуйся, óкрест менé с пла́менным мечём прísно ополчáяйся.

Рáдуйся, протíву князя тьмы во брани ми посóбствуй; рáдуйся, лука́вых его́ служителей поберждáти ми помога́й.

Рáдуйся, отгоня́яй от менé душепа́губныя дéмоны, áки хищныя птíцы; рáдуйся, вразумля́яй мя бесовские кóзни познáти, áки лука́выя лиси́цы.

Рáдуйся, зверообразная тех на ум и сёрдце моé нападения отревáяй; рáдуйся, порождéния их: гóрдость и ненави́сть, из сёрдца моего́ исторгáяй.

Рáдуйся, зáвисть и злопомнéние от мýслей мо́их прогоня́яй; рáдуйся, во отражéние злых пóмыслов крéстным зна́мением себé ограждáти побуждáяй мя.

Рáдуйся, на áспида и васили́ска небоязненно наступáти укрепля́яй мя; рáдуйся, имéяй непобедíмое ору́жие протíву всех врагóв мо́их.

**Рáдуйся, Ангеле Господень, неусыпаемый хранителю мо́й.**

## Икос 5.

Боготéчней и лучезáрней звездé, путеводíвшей дрéвле волхвы́ на поклонéние рóждшемуся в Вифлеéме Спасителю мíра, дерзáю уподóбити тя, благíй мо́й хранителю: неотлúчным бо и светонóсным тво́им ми спребывáнием указúеши ми прáвый путь, ведúщий в Гóрний Вифлеéм, в Небéсное Цáрствие, да тáмо с лики







Архангел и Ангел сподоблюся воспевати превѣчному Царю славы: Аллилу́ия.

## Кондак 5.

Видя мя но́щию содержи́ма мрачною и тёмным облаком страстѣй покрыва́ема, святы́й хранителю души моея, не огорчи́ся, не остави́ мене, но подража́яй долготерпѣнию Спасителя моего, пожди́ ещё, возбужда́я мя к покая́нию, до́ндеже очеса́ моя излию́т исто́чники слез на омѣ́тие душе́вныя нечистоты́ моея. О сем смире́нно молю́ тя и глаго́лю:

Ра́дуйся, я́ко вѣну прино́сиши Бо́гу о мнѣ грѣшнем моли́твы своя, я́ко кади́ло пред Ним благово́нное; ра́дуйся, я́ко прѣсно ходата́йствуеши пред Создате́лем моим о́ еже спасти́ся ми.

Ра́дуйся, я́ко пра́ведный гнев Его́, дви́жимый на мя, своим предста́тельством отвраща́еши; ра́дуйся, я́ко прѣсиши всемило́сѣрдаго Го́спода подати прощѣ́ние злых мо́их дея́ний.

Ра́дуйся, я́ко умило́стивля́еши Его́ благода́ть, да не погуби́т мя со беззако́нныи мо́ими; ра́дуйся, я́ко не преста́нно мо́лишися Искупи́телю моему́, да да́рует ми вре́мя ко исправле́нию.

Ра́дуйся, я́ко возбужда́еши мя к покая́нию препро́водити вся дни живота́ моего; ра́дуйся, я́ко внуша́еши ми жела́ние, да вѣну ка́юся пред Го́сподем во всех мо́их прегрѣше́ниях.

Ра́дуйся, я́ко вразумля́еши мя на всякое вре́мя мыс-





ленно себѣ испытывать и во гресѣхъ моихъ исповѣдоваться; радуйся, яко влагаѣши въ сердце мое сокрушение и скорбь, зане прогневахъ преблагаго Бога моего.

Радуйся, яко побуждаѣши мя оплакивати окаянное и скверное житие мое; радуйся, светоносный и немолкающий ходатаю спасения моего.

**Радуйся, Ангеле Господень, неусыпаемый хранителю мой.**

### **Икос 6.**

Проповѣдую велегласно присное твоѣ, хранителю мой Ангеле, о мнѣ, грешнемъ, попечение; в скорбехъ бо и напастехъ, яже в семъ многмятежномъ мире смущаютъ миръ души моея, являеши ми ся скорый утѣшитель, вразумляя мя, яко вся сия ниспосылаются отъ премудраго Создателя, аки врачество противу душевныхъ недуговъ моихъ, и поучая благодѣющему сиче Небесному Врачу воспевати: **Аллилуя.**

### **Кондак 6.**

Возсияваетъ в души моеѣ, омрачаемей скорбию и уныниемъ, светъ благодатнаго утешения, и сердце мое исполняется веселия и радости, егда непрестанными твоими, святый Ангеле, наставлении возбуждаемъ дерзаю яко мытарь, вопити къ щедрому Богу, да милостивъ будетъ и проститъ ми прегрешения моя. Не премолчи убо, наставниче мой, вразумляя и укрепляя мя, зовуща ти:





Ра́дуйся, помога́й ми благи́й яре́м спаси́тельнаго терпе́ния с любóвию носíti; ра́дуйся, в беда́х и злоклю́чениих упова́нием на Го́спода Бо́га укрепля́й мя.

Ра́дуйся, ско́рби и боле́зни му́жественне преодолева́ти мя поуча́й; ра́дуйся, всякую печа́ль и уны́ние от се́рдца моего́ отгоня́й.

Ра́дуйся, проти́ву врага́, в сеть отча́яния улови́ти мя хотя́ща, бра́тися побужда́й мя; ра́дуйся, словесе́м апо́стола, я́ко вси хотя́щии благоче́стно жи́ти гони́ми бу́дут, ве́ровати убежда́й мя.

Ра́дуйся, о́браз терпе́ния и злострада́ния прия́ти ми проро́ки и апо́столы внуша́й; ра́дуйся, на лик му́ченик и испове́дник, за Христа́ до изли́яния кро́ве свое́й подви́завшихся, во утеше́ние ми показу́й.

Ра́дуйся, страда́ния Само́го Спаси́теля и Го́спода вы́ну умным очесе́м мо́им представля́й; ра́дуйся, наде́ждою бу́дущаго воздая́ния се́рдце моё́ услажда́й.

Ра́дуйся, всера́достным ожида́нием ве́чных бла́г ду́шу мою́ оживля́й; ра́дуйся, благи́й и при́сный мо́й утешителю́.

**Ра́дуйся, А́нгеле Госпо́день, неусыпа́емый храните́лю мо́й.**

## Икос 7.

Хотя́й все́м челове́ком спасти́ся, премилосе́рдый Созда́тель мо́й посла́ тя, А́нгела Своего́, я́ко ве́рна ми





стража и пѣстуна добра во всем житій моём, да всюду вспомошествоуеши ми святѣми твоими вдохновѣнии, защищаеши противу козней диавола и предуготовляеши мя дѣлы благими внѣсти с мудрыми дѣвами в небесный чертог, с богокрасною пѣснию: **Аллилуія.**

## Кондак 7.

Новую показует благасть Господь и Владѣка мой на мне, непотребнем и паче всех грѣшнейшем рабѣ Своем: презирая бо лютая моя и тяжкая, не погубил мя есть со беззаконными моими даже до настоящаго дне и часа, но долготерпѣя на мне, милостивне ожидает моего обращенія и сердечнаго покаянїя. Вѣрую, благій хранителю мой, яко твоим присным пред Богом за мя ходатайством доселе храним есмь; темже, любовию к тебе подвижаемый, взываю:

Радуйся, яко обуревающаяся мя в мори житїя сего от конечнаго потопленїя соблюдаеши; радуйся, яко из рова беззаконїй моих рукою твоея помощи мя исхищаеши.

Радуйся, яко греховный сон душевредных моих лености отрясаеши; радуйся, яко ум мой, омраченный небреженїем, свѣтлым твоим присутствїем озаряеши.

Радуйся, яко хладное и мало не угасшее сердце мое молитвами воспламеняти ми помогаеши; радуйся, яко на славословїе Божїе присно мя возставляеши. Радуйся, яко настройаеши глас мой к песнопенїем,





имиже достойно и праведно есть хвалити Творца  
всяческих; радуйся, яко поучаеши мя прославляти  
Господа моего не усты точно, но и сердцем.

Радуйся, яко ко исполнению пресвятыя воли Его  
возбуждаеши мя; радуйся, яко самоотвержению и  
отречению моея злыя воли приобучити мя тщишися.  
Радуйся, яко глубину, простоту и агнчу кротость  
стяжати ми преискренне желаети; радуйся, яко о  
еже младенческому незлобию и старческому до-  
борассуждению дароватися ми ходатайствуеши.

**Радуйся, Ангеле Господень, неусыпаемый храните-  
лю мой.**

### **Икос 8.**

Странен и пришлец есть на земли сей: житие мое  
суетно и маловременно есть; аз же, окаянный, смерти  
безвестное во ум никогдаже приемлю, ни помышляю о  
Страшном Судищи, в немже имам Праведному Судии  
предстати и дати ответ о всяком деле же и слове. Тем-  
же молю тя, души моея хранителя, возбуди мя скоро  
от сна греховнаго, да не постигнет мя час смерти не-  
исправленна и да сподоблюся испросити от Всемило-  
стиваго Бога беззаконием моим прощение и во гласе  
радования воспевати Ему: Аллилуия.

### **Кондак 8.**

Всех Господь и Создатель мой егда назнаменует ми  
преставитися от жития сего, ты, благий хранителю мой,





провідай грóзныя мѹки, дѹховом злѹбы и нераскáянным грѣшником уготѹванныя и менѣ ожидаѹщія, покрѣй мя твоегѹ милосѣрдія крилами, якоже орѣл птенцы своя, и внигда исчезати от менѣ дѹху моему, да ўзрю тя близ менѣ предстояща и лютыя враги отгоняюща. О сем со умилѣнием молю ти ся, вещь сѣце:

Рáдуйся, ўмным очесѣм моим гóрький и страшний час смѣртный представляя; рáдуйся, яко неизбѣжен, вкупе же и безвѣстен час той прѣсно ми напоминая.

Рáдуйся, на кийждо день áки ужѣ на послѣдний жития моего взирати мя поучая; рáдуйся, на всякое время ко исходу во ин мир мя предуготовляя.

Рáдуйся, душѣвное умилѣние и сердѣчное сокрушение во мне раждая; рáдуйся, вѣну желая ми, да понѣ при кончинѣ дний моих покаюся.

Рáдуйся, любить мир и яже в мѣре ми воспрещая; рáдуйся, пристрастие к тлѣнному богатству из сѣрдца моего искореняти помогая.

Рáдуйся, вся блага земная быти привременна и скоропреходяща ми показуя; рáдуйся, яко вся красная мѣра сего цвѣту сѣльному подобна суть, вразумляя мя.

Рáдуйся, славы чловѣчи, áки тѣни преходящая, искати возбраняя ми.

**Рáдуйся, Ангеле Господень, неусыпаемый хранитель мой.**





## Икос 9.

Всяк грех содёях в житий сем и весь живёт мой во мно́зе претёк суете́, к концу́ прибли́жихся; вразі же мой устремля́ются на мя, а́лчуще поя́ти мя и низри́нути во глубину́ а́дову. Те́мже молю́ ти ся, благий мой храните́лю, бу́ди ми защити́тель, егда́ има́м преходи́ти лю́тая мыта́рства, и безбе́дно доведи́ мя до врат Небе́снаго Ца́рствия, иде́же ли́цы а́нгельстии ра́достне сре́тают восклицáющих: **Аллилу́ия.**

## Кондак 9.

Витийствующий язы́к не мо́жет изрещи́, я́же сотвори́л ми еси́, святы́й храните́лю мой, во всем житий моём: прия́в бо ду́шу мою́ от купели́ свята́го Креще́ния, храни́л мя еси́ во младе́нчестве, учи́л и вразумля́л еси́ во о́трочестве, соблюда́л мя еси́ от поползнове́ния ко грехо́м в во́зрасте ю́ношестем, наставля́л еси́, прише́дша мя в му́жество, охраня́л еси́ на всех путéх мо́их да́же до ста́рости, облича́я и утеша́я, всю́ду помога́я и направля́я на путь спасе́ния. Сего́ ра́ди благода́рственне вопию́ ти:

Ра́дуйся, я́ко никогда́же лишáеши мя твоея́ по́мощи и заступле́ния; ра́дуйся, я́ко от сна воста́юща мя подвизáеши ко благодаре́нию Го́спода, укрепля́ющаго си́лы моя́.

Ра́дуйся, я́ко нача́ток коего́ждо дне моли́твою освяща́ти мя поучáеши; ра́дуйся, я́ко воспрещáеши ми без моли́твы к всеблагóму Промысли́телю, дерзнове́нно собо́ю что начинáти.





Ра́дуйся, я́ко самонадéяние из сёрдца моего́ истреби́ти тщи́шися; ра́дуйся, я́ко сладча́йшее и́мя Го́спода Иису́са Христа́ усты́ непреста́нно произноси́ти и во уме́ держа́ти мя побужда́еши.

Ра́дуйся, я́ко во вся́кое вре́мя ну́жная то́чию и полéзная веща́ти язы́ком ми внуша́еши; ра́дуйся, я́ко от праздносло́вия, многоглаго́лания, па́че же кощу́нства мя удержи́ваеши.

Ра́дуйся, я́ко яду́щу и пию́щу ми и́ли и́но что творя́щу при́сно спребыва́еши; ра́дуйся, я́ко воздержа́нию в пи́щи и пити́и приобучи́ти мя печéшися.

Ра́дуйся, я́ко спя́ща мя храни́ши и врага́, хотя́ща иску́сити мя со́нными мечта́нии, отгоня́еши; ра́дуйся, я́ко воспяща́еши мя от любостра́стного стремле́ния и во о́чию моёю́ целому́дренный стыд влага́еши.

**Ра́дуйся, А́нгеле Господень, неусыпа́емый храни́телю мо́й.**

## **Икос 10.**

Спасти́ всех пришéдый, Иису́се мо́й преблагий, со умилéнием молю́ Ти ся: Твои́м милосёрдием прости́ мои́х злых премно́жество и безме́рие, преклоня́емый на сие Божéственными мольба́ми Твоего́ невещéственного служи́теля, егó же ми приста́вил еси́ из младе́нчества, я́ко Человеколю́бец, храни́теля, да досто́ин явлю́ся внéсти в черто́г сла́вы Твоея́ и со ду́хи пра́ведных воспéти: Аллилу́ия.







## Кондак 10.

Стенá твёрда прѣсно являеши ми ся, святѣй А́нгеле, протѣву ухищрѣний злѣбных враговъ моѣх, ищущихъ вѣчныя погѣбели моея и расслабляющихъ дѣшу мою лѣнностію и самозабвѣнием. Молю́ убо тя, хранѣтелю мой, да твоѣм ходатайствомъ сподѣблюся при исходе души моея из телесѣ прича́тникъ бѣти Пречѣстаго Тѣла и Святѣйшия Крѣве моего Спасителя, яко да укрепився сею нетлѣнною пи́щею и животворнымъ питиѣм, безтрепетно пре́йду во ин мир, воспева́я тя, моего́ благодѣтеля:

Ра́дуйся, яко данá ти есть вла́сть и сѣла отража́ти дѣмонская на мя нападѣния; ра́дуйся, яко прѣял еси́ от Бѣга крѣпость на побеждѣние невидимыхъ враговъ моѣх.

Ра́дуйся, яко от всякаго злодѣйства и ко́зней дѣавольскихъ могѣй избáвити мя; ра́дуйся, яко го́рькихъ мыта́рствъ нача́льника, лю́таго миродѣржца нападѣния от мене́ отрѣва́еши.

Ра́дуйся, яко, огражда́емый твоѣмъ прѣсу́тствиемъ, ѣмамъ надѣжду в часъ смѣрти не устрáшиться мра́чныхъ лицъ дѣховъ злѣбы; ра́дуйся, яко, хранѣмый тобою́, упова́ю безбѣдно прѣйтѣ возду́шная мыта́рства.

Ра́дуйся, яко укрепля́емый твоѣю́ по́мощию, ча́ю не удѣржанъ бѣти вне вратъ ра́я, ми вожде́леннаго; ра́дуйся, яко твоѣ за мя прѣдста́тельство сѣльно есть прѣд Бѣгомъ, ѣже не ввѣржену ми бѣти во тѣму кромѣшную.





Рáдуйся, я́ко прísно внушáеши ми умилостивля́ти Го́спода слезáми покая́ния, да избáвлюся ге́енны а́дския; рáдуйся, я́ко побуждáеши мя день и но́щь моли́тися, да не по́слан бу́ду со де́моны му́читися. Рáдуйся, неотстúпный мой руководи́телю и пéстуне; рáдуйся, крéпкий мой застúпниче и скóрый помо́щниче.

**Рáдуйся, А́нгеле Госпо́день, неусыпа́емый храни́телю мо́й.**

### **Икос 11.**

Пéние сиé, áще и от усéрдия моего́ ти приносíмое, свята́й храни́телю мо́й, вем, я́ко не дово́льно есть ко изьявлéнию моего́ сердéчнаго благодарéния за вся бла́гая, я́же ми сотвори́л еси́ и не престаéши твори́ти да́же до сего́ дне и часа́; но и о сем молю́ ти ся, о́бщаго ми с тобо́ю Созда́теля умíловисти, да на Стра́шнем Судé Своём шу́ия ча́сти избáвит мя и сподóбит со все́ми свята́ыми воспевáти Ему́: **Аллилу́ия.**

### **Кондак 11.**

Свети́льник мой угасé, елéя же благо́их дел, во éже возжещи́ его, несть ми: и где обря́щуся аз, ока́янный, сном грехо́вным отягчéнный, егда́ пости́гнет мя внеза́пу полу́нощь, час кончи́ны моея́? Но да не услы́шу и аз, я́коже юро́дивыя де́вы, грóзнаго гла́са Жениха́: «Не вем тя!» Помози́ ми, неусыпа́емый храни́телю мо́й, напо́лнити сосúды души́ моея́ елéем благо́их дел,





па́че же милосе́рдия и смире́ния. Ны́не же приими́ от мене́ си́е пѣние:

Ра́дуйся, Еди́наго Го́спода имѣти в ра́зуме прѣсно ми внуша́яй; ра́дуйся, за́поведь о любви́ к Нему́, Преблагóму, в се́рдце моём обновля́яй.

Ра́дуйся, любѣти Его́, Созда́теля, всем умóм и всем помышлѣнием мя побужда́яй; ра́дуйся, и к б́лижним ѡскреннюю любóвь мою́ богоуто́дну б́йти непреста́нно ми напомина́яй.

Ра́дуйся, любѣти их не сло́вом ѡ́ли язы́ком, но де́лом и ѡ́истиною мя поуча́яй; ра́дуйся, во всех ну́ждах их помога́ти желáние ми влага́яй.

Ра́дуйся, утешáти скорб́ящих, заступáти обѣдимых мя наставля́яй; ра́дуйся, от имени́ своих уделáти бѣдным и неимúщим се́рдце моё преклоня́яй.

Ра́дуйся, и ду́шу мою́, по за́поведи Спасѣтеля, положи́ти за дру́ги сво́я гото́ву ми б́йти возбужда́яй; ра́дуйся, закрывáяй очеса́ моя́, е́же не зрѣти ми прегрешѣния б́рата моего́.

Ра́дуйся, не попу́ща́яй ми осужда́ти поползну́вшася на грех б́лижняго моего́; ра́дуйся, воспрещáяй ми я́ти ве́ру оглаго́льником клеверѣта моего́.

**Ра́дуйся, А́нгеле Господень, неусыпа́емый храните́лю мо́й.**

## Икос 12.

Благода́ть данá ти есть от Всемо́гущаго Го́спода, святы́й покровите́лю мо́й, е́же хранѣти мя на всех пу-





тѣх моѣх, да не о камень коегѣ соблазна преткнѣтся ногá моя, дѣндеже мя предстáвиши Христú Бѣгу спáсѣна, Емуже немѣлчно вся Сѣлы Небѣсныя взывáют: Аллилúя.

## Кондак 12.

Пою твоѣ досточудное милосѣрдие и многѣе снисхожденіе, быстродвѣжный уме, безплѣтныи слугѣ Господень: яко не гнушаѣшия грехѣвныя моея смрадности и не престаѣши приносѣти о мене, непотрѣбнем, святыя молѣтвы своя ко святѣйшему престѣлу Триипостáснаго Бѣга, ѣже не погѣбнути ми во вѣки, но Цáрствіе Небѣсное наслѣдовати. Благоволи́ убо приѣти от душѣвных сокровѣщ моѣх приносѣмое ти песнопѣние:

Рáдуйся, яко воспоминáнием грядущаго грѣзнаго Судá Бѣжия от грехѣв мя отрѣваѣши; рáдуйся, яко дúшу мою, áки невѣсту, ко срѣтению прекраснаго Женихá Христá предуготовлѣти возбуждаѣши мя.

Рáдуйся, яко прѣсно желáеши достѣйна мя сотворѣти брачнаго чертѣга Егѣ; рáдуйся, яко вѣну учѣши мя возжигáти свѣтѣльник душѣ моея, да с мúдрыми дѣвами, душáми прáведных, вниду в онь.

Рáдуйся, яко грехѣвныя одѣжды моея совлачѣтися побуждаѣши мя; рáдуйся, яко в рѣзу непорѣчности и чистоты́ облещѣся ми способствуѣши.

Рáдуйся, яко ходáтайствуѣши, да на Стрáшнем Судѣ Христѣве одеснúю Егѣ стáти сподѣблѣюся; рáдуйся,





яко умоляеши благоутробию Божие, да лику избранных Своих сопричтёт мя.

Радуйся, яко подвизаеши на молитву ко Господу и сожителей твоих небесных, да вселит мя с ними во Царствии Своём; радуйся, добрый и бодрый блюстителю мой.

Радуйся, тёплый о мне, грешном, молитвенниче и благий предстателю; радуйся, по Господе Бозе и Пресвятей Богородице крепкое моё упование.

**Радуйся, Ангеле Господень, неусыпаемый хранителю мой.**

### Икос 13.

О преславный и умный свете, Ангеле Божий! Приими благодарственное сие и молебное пение, и егда имаю от земли востати на суд, покажи тогда милосердие твоё на мне грешнем: предстани близ мене тих и радостен, надеждою спасения отъёмля страх мой, да в селениях райских сподоблюся вкупе с тобою во веки веков воспевати превечному Царю славы: **Аллилуия.**

*Этот кондак читается трижды.*

### Кондак 1.

Ангеле святый, посланный с небес, во еже хранити мя и руководити во всей жизни моей, припадая молити ся: сам настави и вразуми мя, начинающая от сердечных любве и усердия возглашати песенные твои хвалы:

Радуйся, Ангеле Божий, предстателю мой у Пресвя-





тѣя Трѳицы; радуйся, Царя царствующих безплотный воине.

Радуйся, Господа господствующих небесный слуг; радуйся, умных и невещественных слуг Его сожителю.

Радуйся, творяй присно волю Владыки своего; радуйся, приемый от Бога повеление и власть хранити душу мою.

Радуйся, никогдаже отлучаяйся мене грешнаго; радуйся, вину спребываяй ми недостойному.

Радуйся, соблюдаяй мя на всех путех моих; радуйся, сохраняяй мя от всякаго зла.

Радуйся, от Бога данный ми руководителю на путех жития моего; радуйся, благий наставниче мой.

**Радуйся, Ангеле Господень, неусыпаемый хранителю мой.**

## Икос 1.

Избранный от Господа Бога на хранение души моей и телесе, святый Ангеле, похвальная ти воспети дерзаю, недостойный раб твой; ты же, яко имеяй дерзновение к Царю Небесному, от всяких бед и скорбей, от враг видимых же и невидимых защити, зовуща:

**Радуйся, Ангеле Господень, неусыпаемый хранителю мой.**





## Молитва Ангелу Хранителю.

О святы́й А́нгеле, храните́лю и покрови́телю мой благи́й! С сокруше́нным се́рдцем и боле́зненною душо́ю предстою́ ти, моля́ся: услы́ши мя, грешна́го раба́ своего́ (имя), с во́плем крѣпким и пла́чем го́рьким вопи́ющаго; не помяни́ мои́х беззако́ний и неправд, и́миже аз ока́янный прогневля́ю тя во вся дни и часы́, и ме́рзостна себѣ творю́ пред Созда́телем на́шим Госпо́дем; яви́ся мне милосе́рд и не отлуча́йся мене́ скве́рнаго да́же до кончи́ны моея́; возбуди́ мя от сна грехо́внаго и посóбствуй твои́ми моли́твами прóчее вре́мя живота́ моего́ без поро́ка преити́ и сотвори́ти плоды́ досто́йны покая́ния, па́че же от сме́ртных паде́ний грехо́вных соблюди́ мя, да не поги́бну во отча́янии и да не пора́дуется враг о поги́бели мое́й. Вем вои́стинну и усты́ испове́дую, я́ко никто́же тако́в друг и предста́тель, защи́титель и побóрник, я́коже ты, святы́й А́нгеле: предсто́я бо Престо́лу Госпо́дню, мо́лишися о мне непотре́бном и па́че всех грешнейшем, да не изы́мет Преблагии́ души́ моея́ в день неча́яния моего́ и в день творе́ния злóбы. Не преста́й у́бо умили́стивляя Преми́лосе́рдаго Госпо́да и Бо́га моего́, да отпу́стит согреше́ния моя́, я́же сотвори́х во всем жити́и моём, де́лом, сло́вом и все́ми мои́ми чу́вствы, и и́миже весть судьба́ми да спасе́т мя; да нака́жет мя zde по Своёй неизрече́нной ми́лости, но да не обличи́т и не истяже́т мя она́мо по Своему́ нелицепри́ятному правосúдию; да сподо́бит мя покая́ние





принести, с покаянием же Божественное Причащение достойне прияти, о сем паче молю, и таковаго дара всеусердно желаю. В страшный же час смерти неотступен буди ми, благий хранителю мой, прогоняя мрачныя демоны, имущия устрашити притрепетную душу мою; защити мя от тех ловления, егда ямам переходити воздушная мытарства, да храним тобою, безбедно достигну рая ми вожделеннаго, идеже лицы святых и Горних Сил непрестанно восхваляют всечестное и великолепое имя в Троице славимаго Бога, Отца и Сына и Святаго Духа, Емуже подобает честь и поклонение во веки веков. Аминь.

### **Величание.**

Величаем вас,/ Архангели и Ангели и вся воинства,/ Херувими и Серафими,// славящие Господа.

